

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitad legala.

Lescha davart il personal da la Confederaziun (LPers)

dals 24 da mars 2000 (versiun dal 1. da settember 2023)

L'Assamblea federala da la Confederaziun svizra, sa basond sin l'artigel 173 alinea 2 da la Constituziun federala¹, suenter avair gi invista da la missiva dal Cussegl federal dals 14 da december 1998², concluda:

1. chapitel Disposiziuns generalas

Art. 1 Object

Questa lescha regla la relaziun da lavur dal personal da la Confederaziun.

Art. 2 Champ d'applicaziun

¹ Questa lescha vala per il personal:

- a. da l'administraziun federala tenor l'artigel 2 alineas 1 e 2 da la Lescha dals 21 da mars 1997³ davart l'organisaziun da la regenza e da l'administraziun (LORA);
- b.⁴ dals Servetschs dal parlament tenor la Lescha dal parlament dals 13 da december 2002⁵;
- c.⁶ ...
- d. da las Viafiers federalas svizras tenor la Lescha federala dals 20 da mars 1998⁷ davart las Viafiers federalas;

AS 2001 894

¹ SR 101

² BBl 1999 1597

³ SR 172.010

⁴ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁵ SR 171.10

⁶ Aboli tras la cifra II 1 da l'aggiunta da la LF dals 17 da dec. 2010 davart l'organisaziun da la Posta, cun effect dapi il 1. d'oct. 2012 (AS 2012 5043; BBl 2009 5265).

⁷ SR 742.31

- e. da las unitads decentralisadas da l'administraziun tenor l'artitgel 2 alinea 3 LORA, uschenavant che las disposiziuns legalas spezialas na prevedan nagut auter;
 - f.⁸ dal Tribunal administrativ federal, dal Tribunal penal federal e dal Tribunal federal da patentas, uschenavant che la Lescha dals 17 da zercladur 2005⁹ davart il Tribunal administrativ federal, la Lescha dals 19 da mars 2010¹⁰ davart l'organisaziun da las autoritads penals e la Lescha dals 20 da mars 2009¹¹ davart il Tribunal federal da patentas na prevedan nagut auter;
 - g.¹² dal Tribunal federal tenor la Lescha federala dals 17 da zercladur 2005¹³ davart il Tribunal federal;
 - h.¹⁴ dal secretariat da l'Autoritad da surveglianza da la Procura publica federala;
 - i.¹⁵ da la Procura publica federala tenor l'artitgel 22 alinea 2 da la Lescha dals 19 da mars 2010 davart l'organisaziun da las autoritads penals;
 - j.¹⁶ da las cumissiuns federalas da stimaziun, uschenavant ch'el è activ en uffizi principal (commembers da la cumissiun e personal dals secretariats permanents).
- ² Ella na vala betg:
- a. per las personas elegidas da l'Assamblea federala tenor l'artitgel 168 da la Constituziun federala;
 - b.¹⁷ per ils emprendists ch'èn suttamess a la Lescha federala dals 13 da december 2002¹⁸ davart la furmaziun professiunala;
 - c.¹⁹ per il personal recrutà ed engaschà a l'exteriur;

⁸ Versiun tenor la cifra II 4 da l'aggiunta da la LF dals 19 da mars 2010 davart l'organisaziun da las autoritads penals, en vigur dapi il 1. da schan. 2011 (AS **2010** 3267; BBl **2008** 8125).

⁹ SR **173.32**

¹⁰ SR **173.71**

¹¹ SR **173.41**

¹² Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS **2013** 1493; BBl **2011** 6703).

¹³ SR **173.110**

¹⁴ Integrà tras la cifra II 4 da l'aggiunta da la LF dals 19 da mars 2010 davart l'organisaziun da las autoritads penals, en vigur dapi il 1. da schan. 2011 (AS **2010** 3267; BBl **2008** 8125).

¹⁵ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS **2013** 1493; BBl **2011** 6703).

¹⁶ Integrà tras la cifra 3 da l'aggiunta da la LF dals 19 da zer. 2020, en vigur dapi il 1. da schan. 2021 (AS **2020** 4085; BBl **2018** 4713).

¹⁷ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS **2013** 1493; BBl **2011** 6703).

¹⁸ SR **412.10**

¹⁹ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS **2013** 1493; BBl **2011** 6703).

d.²⁰ per il persunal da las organisaziuns e da las persunas da dretg public u privat ordaifer l'administraziun federala che adempleschan incumbensas administrativas, cun excepziun da las Viafiers federalas svizras.

Art. 3 Patruns

¹ Patruns tenor questa lescha èn:

- a. il Cussegl federal sco organ directiv suprem da l'administraziun federala;
- b. l'Assamblea federala per ils Servetschs dal parlament;
- c.²¹ ...
- d. las Viafiers federalas svizras;
- e. il Tribunal federal;
- f.²² la Procura publica federala;
- g.²³ l'Autoritad da surveglianza da la Procura publica federala.

² Ils departaments, la Chanzlia federala, las gruppas ed ils uffizis sco er las unitads administrativas decentralisadas valan sco patruns, sch'il Cussegl federal als surdat las competenzas correspondentas.²⁴

³ Il Tribunal administrativ federal, il Tribunal penal federal ed il Tribunal federal da patentas valan sco patruns, uschenavant che las leschas respectivas u il Cussegl federal als surdattan las competenzas correspondentas.²⁵

Art. 4 Politica dal persunal

¹ Las disposiziuns executivas (art. 37 e 38), ils contracts da lavur (art. 8) sco er las mesiras e las decisiuns èn da furmar uschia ch'els contribueschan a la cumpetitivitad da la Confederaziun sin il martgà da lavur e gidan a cuntanscher las finamiras menziunadas en ils alineas 2 e 3.

² Ils patruns engaschan lur persunal en moda cunvegenta, raschunaivla e socialmain giustificabla; els prendan mesiras adattadas:

²⁰ Integrà tras la cifra I da la LF dals 14 da dec. 2012, en vigor dapi il 1. da fan. 2013 (AS 2013 1493; BBl 2011 6703).

²¹ Aboli tras la cifra II 1 da l'aggiunta da la LF dals 17 da dec. 2010 davart l'organisaziun da la Posta, cun effect dapi il 1. d'oct. 2012 (AS 2012 5043; BBl 2009 5265).

²² Integrà tras la cifra II 4 da l'aggiunta da la LF dals 19 da mars 2010 davart l'organisaziun da las autoritads penals, en vigor dapi il 1. da schan. 2011 (AS 2010 3267; BBl 2008 8125).

²³ Integrà tras la cifra II 4 da l'aggiunta da la LF dals 19 da mars 2010 davart l'organisaziun da las autoritads penals, en vigor dapi il 1. da schan. 2011 (AS 2010 3267; BBl 2008 8125).

²⁴ Versiun tenor la cifra 12 da l'aggiunta da la LF dals 17 da zer. 2005 davart il TAF, en vigor dapi il 1. da schan. 2007 (AS 2006 2197; BBl 2001 4202).

²⁵ Integrà tras la cifra 5 da l'aggiunta da la LF dals 4 d'oct. 2002 davart il TPF (AS 2003 2133; BBl 2001 4202). Versiun tenor la cifra 1 da l'aggiunta da la LF dals 20 da mars 2009 davart il TFP, en vigor dapi il 1. da mars 2010 (AS 2010 513; BBl 2008 455).

- a. per gudagnar e per mantegnair personal adattà;
- b.²⁶ per il svilup personal e professiunal, per la scolaziun e la furnaziun supplementara e per la motivaziun da ses personal sco er per l'utilisabladad multifara da quel;
- c. per promover il cader e per sviluppar la gestiun;
- d. per schanzas egualas da dunna ed um e per lur egalitad;
- e.²⁷ per garantir che las cuminanzas linguisticas sajan represchentadas entaifer il personal confirm a lur quota vi da la populaziun residenta;
- e^{bis}.²⁸ per promover las enconuschientschas linguisticas da las linguas uffizialas ch'èn necessarias per exequir la funcziun, en spezial per promover las enconuschientschas activas d'ina segunda lingua uffiziala e las enconuschientschas passivas d'ina terza lingua uffiziala tar il cader superiur;
- f. per l'egalitad da schanzas da persunas impedidas sco er per lur occupaziun ed integraziun;
- g. per proteger la personalitad e la sanadad sco er per segirar la lavur da lur personal;
- h. per promover in cumportament conscient da l'ambient al post da lavur;
- i. per crear cundiziuns da lavur che permettian al personal d'ademplier sia responsabladad en la famiglia ed en la societad;
- j. per crear plazzas d'emprendissadi e posts da furnaziun;
- k. per ina infurmaziun cumplessiva da lur personal.

³ Els procuran che l'arbitrariadad en la relaziun da lavur vegnia impedida ed introduceschan in sistem da giudicat che sa basa sin discurs cun ils collavuratur; quai furma la basa per ina salarisaziun conforma a la prestaziun e per in svilup cun finamira dals emploiads.

Art. 5 Coordinaziun e controlling

¹ Il Cussegl federal coordinescha e dirige la realisaziun da la politica da personal. El examinescha periodicamain, sche las finamiras da questa lescha vegnan cuntanschidas; el rapporta a l'Assamblea federala e propona a temp las mesiras necessarias. El sa metta d'accord cun las commissiuns parlamentaras da surveglianza davart la furma ed il cuntegn dals rapports.

² El procura ch'ils patruns fetschian diever d'in sistem da controlling adattà.

²⁶ Versiun tenor la cifra 4 da l'aggiunta da la LF dals 20 da zer. 2014 davart il perfecziunament, en vigur dapi il 1. da schan. 2017 (AS 2016 689; BBI 2013 3729).

²⁷ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

²⁸ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

³ e ⁴ ...²⁹

Art. 6 Dretg applitgabel

¹ Il personal ha ils dretgs e las obligaziuns regladas da la Constituziun federala e da la legislaziun.

² Uschenavant che questa lescha ed autras leschas federalas na fixeschan betg insatge divergent, valan per la relaziun da lavur las disposiziuns respectivas dal Dretg d'obligaziuns (DO)³⁰ conform al senn.³¹

³ La relaziun da lavur vegn reglada pli detagliadamain en il rom da las disposiziuns tenor l'alineia 2 tras disposiziuns executivas (art. 37), oravant tut tras il contract da lavur collectiv (art. 38) e tras il contract da lavur (art. 8).

⁴ En cas da cuntradicziuns tranter las disposiziuns executivas resp. il contract da lavur collectiv ed il contract da lavur è applitgabel la disposiziun ch'è pli favuraivla per l'emploia.

⁵ En cas motivads po il Cussegl federal subordinar tshertas categorias da personal al DO, en spezial personal auxiliar sco praticants. El po decretar prescripziuns minimalas per questas relaziuns da lavur.³²

⁶ En singuls cas motivads pon ils patruns suttametter emploiads al DO.

⁷ En cas da dispitas concernent la relaziun da lavur dal personal suttamess al DO èn cumpetentas las dretgiras civilas.

Art. 6a³³ Salarisaziun ed ulteriuras cundiziuns contractualas dal cader superieur e dals commembers dals organs directivs d'interpresas e da stabiliments da la Confederaziun

¹ Il Cussegl federal decretescha princips davart:

- a. il salari (inclusiv las prestaziuns accessoricas) dal cader superieur sco er dal personal che vegn salarisà cun in import cumparegliabel:
 - 1.³⁴ da las Viafiers federalas svizras (VFF),
 2. d'autras interpresas e d'auters stabiliments da la Confederaziun ch'èn suttamess a questa lescha sco unitads administrativas decentralisadas;

²⁹ Aboli tras la cifra I da la LF dals 14 da dec. 2012, cun effect dapi il 1. da fan. 2013 (AS 2013 1493; BBI 2011 6703).

³⁰ SR 220

³¹ La rectificaziun da la Cumissiun da redacziun da l'AF dals 18 da mars 2015, publicgada ils 9 d'avr. 2015, concerna mo la lingua taliana (AS 2015 1021).

³² Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

³³ Integrà tras la cifra I 2 da la LF dals 20 da zer. 2003 davart la salarisaziun ed ulteriuras cundiziuns contractualas dal cader superieur e da las commembras e dals commembers dals organs directivs d'interpresas e da stabiliments da la Confederaziun, en vigur dapi il 1. da favr. 2004 (AS 2004 297; BBI 2002 7496 7514).

³⁴ Versiun tenor la cifra II 1 da l'agiunta da la LF dals 17 da dec. 2010 davart l'organisaziun da la Posta, en vigur dapi il 1. d'oct. 2012 (AS 2012 5043; BBI 2009 5265).

- b. l'onurari (inclusiv las prestaziuns accessoricas) dals commembers dal cussegl administrativ u d'in organ directiv suprem cumparegliabel d'interpresas e da stabiliments tenor la litera a;
- c.³⁵ la represchentanza equilibrada da las cuminanze linguisticas en il cussegl d'administraziun u en in organ directiv suprem cumparegliabel d'interpresas e da stabiliments tenor la litera a.

² El decretescha ils princips ch'èn applitgabels per las ulteriuras cundiziuns contractualas, las qualas èn vegnidas fixadas cun las persunas tenor l'aleina 1, en spezial cundiziuns davart il provediment professiunal e davart las indemnisaziuns da par-tenza.

³ El decretescha ils princips ch'èn applitgabels per las occupaziuns accessoricas da las persunas tenor l'aleina 1 litera a. Las occupaziuns accessoricas pajadas che cum-promettan las prestaziuns en la relaziun da lavur cun l'interpresa u cun il stabiliment ubain che pon chaschunar in conflict cun ils interess da quels basegnan il consentiment dal Cussegl federal. El regla l'obligaziun da consegnar las entradas che resultan da questas occupaziuns accessoricas.

⁴ La summa totala dals salaris respectivamain dals onuraris pajads (inclusiv las prestaziuns accessoricas) da las persunas tenor l'aleina 1 sco er las ulteriuras cundiziuns contractualas stipuladas cun questas persunas èn accessiblas al public. Per il parsura da la direcziun e dal cussegl d'administraziun respectivamain per il parsura d'in organ directiv suprem cumparegliabel vegn cumprovà il salari respectivamain l'onurari (inclusiv las prestaziuns accessoricas) mintgamai individualmain.

⁵ Ils princips tenor ils alineas 1 fin 4 valan er per interpresas che vegnan dominadas – areguard il chapital ed areguard las vuschs – d'interpresas e da stabiliments ch'èn suttamesa a questa lescha e che han lur sedia en Svizra.

⁶ Il Cussegl federal procura ch'ils princips tenor ils alineas 1 fin 5 vegnian applitgads conform al senn per tut las interpresas da dretg privat che vegnan dominadas – areguard il chapital ed areguard las vuschs – da la Confederaziun e che han lur sedia en Svizra. Exceptadas èn societads, da las qualas las aczias èn quotadas ad ina bursa. Per questas aczias valan ils artitgels 663b^{bis} e 663c alinea 3 dal DO^{36,37}

Art. 7 Publicaziun

Plazzas libras vegnan scrittas or publicamain. Las disposiziuns executivas reglan las excepziuns.

³⁵ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

³⁶ SR 220

³⁷ Versiun tenor la cifra II da la LF dals 7 d'oct. 2005, en vigur dapi il 1. da schan. 2007 (AS 2006 2629; BBl 2004 4471).

2. chapitel Furmaziun, terminaziun e schliaziun da la relaziun da lavur

Art. 8 Furmaziun e cundiziuns d'engaschament

¹ La relaziun da lavur cumenza tras la conclusiun d'in contract da dretg public en scrit.³⁸

² Las disposiziuns executivas reglan la durada dal temp d'emprova. Per funcziuns spezialas pon ellas prevair ina durada maximala dal temp d'emprova da 6 mais.³⁹

³ Sche quai è necessari per ademplir incumbensas suveranas, regla il Cussegl federal sin via d'ordinaziun:

- a. tge relaziuns da lavur ch'èn mo accessiblas a persunas cun dretg da burgais svizzer;
- b. tge relaziuns da lavur ch'èn mo accessiblas a persunas che han exclusivamain il dretg da burgais svizzer.

Art. 9⁴⁰ Durada

¹ Ina relaziun da lavur d'ina durada limitada dastga vegnir concludida per ina durada contractuala da maximalmain 3 onns; sche la relaziun da lavur dura pli ditg, vala ella sco relaziun da durada illimitada. Relaziuns da lavur d'ina durada limitada che sa succedan senza interrupziun valan suenter 3 onns medemamain sco relaziuns da durada illimitada.

² Il Cussegl federal po prevair excepziuns per tschertas categorias professiunalas.

Art. 10⁴¹ Terminaziun

¹ La relaziun da lavur da durada illimitada finescha senza disditga, cur che la limita da vegliadetgna tenor l'artitgel 21 da la Lescha federala dals 20 da december 1946⁴² davart l'assicuranza per vegls e survivents (LAVS) vegn cuntanschida.

² Las disposiziuns executivas pon:

- a. fixar per tschertas categorias da personal in pensiunament avant che la limita da vegliadetgna tenor l'artitgel 21 LAVS è cuntanschida;
- b. prevair in'occupaziun suror la vegliadetgna ordinaria da pensiun.

³ Il patrun po disdir en moda ordinaria la relaziun da lavur da durada illimitada per motivs objectivs suffizients, en spezial pervia dals suandants motivs:

³⁸ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

³⁹ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁴⁰ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁴¹ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁴² SR 831.10

- a. violaziun d'obligaziuns legalas u contractualas relevantas;
- b. mancanzas da prestaziun u da cumportament;
- c. mancanza da qualificaziun, d'abilitad u da prontezza da far la lavur fixada en il contract da lavur;
- d. mancanza da prontezza d'exequir in'otra lavur pretendibla;
- e. motivs economics u motivs da manaschi gravants, premess ch'il patrun na possa betg porscher a l'emploia ina lavur pretendibla;
- f. perdita d'ina cundiziun d'engaschament legala u contractuala.

4 Per motivs relevantas pon las parts contractantas disdir immediatamain relaziuns da lavur da durada limitada sco er da durada illimitada.

Art. 11⁴³

Art. 12⁴⁴ Termins da disditga

¹ Suenter la scadenza dal temp d'emprova importa il termin per la disditga ordinaria da la relaziun da lavur maximalmain 6 mais.

² Las disposiziuns executivas reglan la durada dals termins da disditga.

Art. 13⁴⁵ Prescripziuns formalas

La prolungaziun, la limitaziun e la terminaziun da la relaziun da lavur sco er mintga midada dal contract da lavur ston vegnir conclusidas en scrit per esser valaivlas.

Art. 14⁴⁶ Persunas elegidas per ina perioda d'uffizi

¹ Per persunas che vegnan elegidas per ina perioda d'uffizi valan las regulaziuns da las leschas spezialas e las disposiziuns executivas decretadas sin basa da talas.

² Sche regulaziuns da leschas spezialas mancan, valan las disposiziuns da questa lescha cun resalva da las suandantas divergenzas:

- a. La relaziun da lavur vegn constituida tras ina disposiziun che dovra il consentiment da la persuna elegida.
- b. Las disposiziuns da questa lescha e dal DO⁴⁷ davart la disditga ordinaria n'èn betg applitgables.

⁴³ Aboli tras la cifra I da la LF dals 14 da dec. 2012, cun effect dapi il 1. da fan. 2013 (AS 2013 1493; BBl 2011 6703).

⁴⁴ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁴⁵ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁴⁶ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁴⁷ SR 220

- c. L'autorità electorala po desister d'ina reelecziun, sche motivs objectivs suffizients giustifitgeschan quai; sch'ella na dispona betg almain 6 mais avant la scadenza da la perioda d'uffizi la nunreelecziun, vala la persuna respectiva sco reelegida; en la procedura da recurs èn applitgabels l'artitgel 34b alinea 1 litera a ed alinea 2 sco er l'artitgel 34c alinea 1 literas a, b e d ed alinea 2.
- d. La persuna elegida po dumandar da schliar la relaziun da lavur per la fin da mintga mais, observond in termin da 3 mais.

³ Per motivs relevants po la relaziun da lavur vegnir disditga immediatamain.

3. chapitel Dretgs ed obligaziuns or da la relaziun da lavur

Art. 15 Paja

¹ Il patrun dat ina paja als emploiads. Questa vegn fixada tenor la funcziun, l'experientscha e la prestaziun.

² Il Cussegl federal regla las pajas minimalas.

³ Las disposiziuns executivas reglan ils princips da fixar las pajas.

⁴ Ellas pon prevair supplements da paja per adattar quella a la situaziun sin il martgà da lavur regiunal, a l'infrastructura locala u als basegns specifics da la branscha.⁴⁸

⁵ Els pon adattar singulas parts da la paja dal persunal engaschè a l'exteriur a la capacità d'acquist.

⁶ Las summas dals salaris maximalis che ston vegnir pajads (inclusiv las prestaziuns accessoricas) a las funcziuns da cader superiuras da l'administraziun federala sco er las ulteriuras cundiziuns contractualas stipuladas cun questas persunas èn publicas.⁴⁹

Art. 16 Cumpensaziun da chareschia

¹ Il patrun paja als emploiads ina cumpensaziun da chareschia commensurada sin la paja u sin singulas parts da questa sco er sin ulteriuras prestaziuns. El resguarda latiers sia situaziun economica e finanziaria sco er las relaziuns sin il martgà da lavur.

² Las disposiziuns executivas reglan ils princips.

³ Là nua che la relaziun da lavur vegn reglada tras il contract da lavur collectiv (art. 38), cuntegna quel disposiziuns davart la cumpensaziun da chareschia. Sche las parts contractantas na van betg d'accord davart la dimensiun da questa, vegn ella fixada da la dretgira da cumpromiss (art. 38 al. 3).

⁴⁸ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁴⁹ Integrà tras la cifra I 2 da la LF dals 20 da zer. 2003 davart la salarizaziun ed ulteriuras cundiziuns contractualas dal cader superiur e da las commembras e dals commembers dals organs directivs d'interpresas e da stabiliments da la Confederaziun, en vigur dapi il 1. da favr. 2004 (AS 2004 297; BBI 2002 7496 7514).

Art. 17⁵⁰ Temp da lavur maximal

Per il temp da lavur maximal per emna valan las disposiziuns da la Lescha da lavur dals 13 da mars 1964⁵¹ conform al senn. Resalvada resta la Lescha dals 8 d'october 1971⁵² davart il temp da lavur.

Art. 17a⁵³ Temp da lavur, vacanzas e congedis

¹ Las disposiziuns executivas reglan il temp da lavur sco er las vacanzas ed ils congedis; plinavant reglan ellas la dimensiun e la cumpensaziun da lavur supplementara e da sururas.

² La lavur supplementara e las sururas vegnan mo indemnizadas, sch'ellas èn vegnidas ordinadas u sch'ellas èn vegnidas reconuschidas posteriuramain.

³ Dis da vacanzas suranneschan suenter 5 onns tenor l'artitgel 128 cifra 3 DO⁵⁴.

⁴ Il Cussegl federal regla il dumber minimal da dis da vacanzas e la durada minimala dal congedi dals geniturs en cas da naschienscha e d'adopziun.

Art. 18 Ulteriuras prestaziuns dal patrun

¹ Las disposiziuns executivas reglan l'equipament dal personal cun ils utensils, la vestgadura da lavur ed il material ch'è necessari per ademplir las incumbensas.

² Ellas reglan ultra da quai la cumpensaziun da las expensas e l'indemnisaziun per malempernaivladads.

Art. 19⁵⁵ Mesiras en cas da schliaziun da la relaziun da lavur

¹ Avant che disdir il contract da lavur senza culpa da l'emploia, fa il patrun diever da tut las pussaivladads d'ina ulteriura occupaziun pretendibla.

² Sch'il patrun disdi il contract da lavur senza culpa da l'emploia, sustegna el sia carriera professiunala.

³ El paja mo ina indemnisasiun a l'emploia, sche:

- a. quel lavura en ina professiun, nua che la dumonda è debbla u inexistentia;
- b. la relaziun da lavur ha durà ditg u l'emploia ha cuntanschi in tscherta vegliadetgna.

⁴ Las disposiziuns executivas pon prevair ina indemnisasiun per ulteriur personal u per il cas che la relaziun da lavur è vegnida schliada en encliegentscha vicendaivla.

⁵⁰ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁵¹ SR 822.11

⁵² SR 822.21

⁵³ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁵⁴ SR 220

⁵⁵ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁵ L'utezza da l'indemnisaziun correspunda almain ad ina paja mensila e maximalmain ad ina paja annuala.

⁶ Las disposiziuns executivas:

- a. fixeschan il rom per las indemnisaziuns;
- b. reglan la reducziun, l'aboliziun u la restituziun da l'indemnisaziun, sche la persuna pertutgada surpiglia in'atra relaziun da lavur.

⁷ Il patron po pajar l'indemnisaziun en ina giada u en ratas.

Art. 20 Protecziun dals interess dals patrons

¹ Ils employiads han da realisar conscienziusamain lur lavur e da proteger ils interess giustifitgads da la Confederaziun resp. da lur patron.

² Durant la relaziun da lavur na dastgan ils employiads far nagina lavur cunter pajament per terzas personas, sch'els violeschan tras quai lur obligaziun da fidaivladad.

Art. 20a⁵⁶ Extract dal register penal

Sch'igl è necessari per mantegnair ils agens interess, pon ils patrons pretender, ch'ils candidats per ina piazza sco er ils employiads preschentian in extract dal register penal.

Art. 21 Obligaziuns dal personal

¹ Per quant che quai è necessari per ademplir las incumbensas, pon las disposiziuns executivas prevair per il personal l'obligaziun:

- a.⁵⁷ d'abitar en in tshert lieu e da sa laschar transferir en auters lieus la lavur;
- b. d'abitar en l'abitaziun attribuida; las disposiziuns executivas pon reglar la relaziun giudiziala en moda divergenta da la legislaziun davart il dretg da locaziun;
- c. da duvrrar tsherts utensils, vestgadira da lavur e mesiras da segirezza;
- c^{bis}.⁵⁸ da sa laschar transferir en autras funcziuns respectivamain champs da lavur, uschenavant ch'il personal è suttaless ad in'obligaziun da transferiment tenor la litera a;
- d.⁵⁹ da sa participar a mesiras che han la finamira da sa reintegrar en il process da lavur suenter in'absenza per motivs da malsogna u d'accident.

⁵⁶ Integrà tras la cifra 1 da l'aggiunta 1 da la LF dals 17 da zer. 2016 davart il register penal, en vigur dapi ils 23 da schan. 2023 (AS 2022 600; BBI 2014 5713).

⁵⁷ Versiun tenor la cifra 1 da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁵⁸ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁵⁹ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

² Las disposiziuns executivas pon obligar il personal da consegnar al patrun cumplettaimain u per part las entradas or d'activitads en favur da terzas persunas, sch'el ademplescha quest'activitad a basa da la relaziun da lavur.

³ Il personal na dastga betg acceptar regals, ni per el ni per auters, u pretender, acceptar u la laschar empermetter auters avantatgs, sche quai succeda en il rom da la relaziun da lavur.

⁴ Al personal èsi scumandà d'exercitar ina funcziun uffiziala per in stadi ester sco er d'acceptar titels e distincziuns d'autoritads estras.

Art. 22 Secret da professiun, da fatschenta e d'uffizi

¹ Ils emploiads èn suttamess al secret da professiun, da fatschenta e d'uffizi.

² Las disposiziuns executivas reglan l'obligaziun da discreziun en cumplettaziun da la legislaziun speziala.

Art. 22a⁶⁰ Obligaziuns da denunzia, dretgs da denunzia e protecziun

¹ Ils emploiads èn obligads d'uffizi da denunziar a las autoritads da persecuziun penala, a lur schefs u a Controlla federala da finanzas (CDF) tut ils crims e delicts ch'els constattan durant lur lavur uffiziala u ch'als vegnan annunziads.

² Obligaziuns da denunzia tras autras leschas federalas restan resalvadas.

³ L'obligaziun da denunzia na vala betg per persunas che han il dretg da refusar da dar perditga tenor ils artitgels 113 al. 1, 168 e 169 da la Procedura penala dals 5 d'october 2007⁶¹.

⁴ Ils emploiads han il dretg d'annunziar a la CDF er autras irregularitads ch'els constattan durant lur lavur uffiziala u ch'als vegnan annunziadas. La CDF investighescha il cas ed instradescha las mesiras necessarias.

⁵ Tgi che fa ina denunzia u ina annunzia en buna fai u tgi che ha da perditga na dastga betg vegnir discriminà pervia da quai en sia posiziun professiunala.

Art. 23 Occupaziun accessorica

Las disposiziuns executivas pon decider ina obligaziun da permissiun per tshertas activitads e tsherts uffizis publics, sche quels pudessan pregiuditgar l'adempliment da las incumbensas.

⁶⁰ Integrà tras la cifra II 4 da l'aggiunta da la LF dals 19 da mars 2010 davart l'organisaziun da las autoritads da persecuziun penala, en vigur dapi il 1. da schan. 2011 (AS 2010 3267; BBl 2008 8125).

⁶¹ SR 312.0

Art. 24 Restricziun dals dretgs dal personal

¹ Per quant che quai è necessari per la segirezza dal stadi, per garantir interess impurtants en affars a l'exteriur u per la garanzia dal provediment dal pajais cun bains e servetschs necessariis per viver, po il Cussegl federal limitar u abrogar il dretg da chauma per tschertas categorias d'employiads.

² Per ils medems motifs po el:

- a. restrenscher la libertad da sa domiciliar e la libertad d'economia ultra da las restricziuns previsas en la lescha;
- b. adossar al personal obligaziuns che surpassan il contract da lavur.

Art. 25⁶² Garanzia da l'execuziun correcta da las incumbensas

¹ Il patrun prenda las mesiras ch'èn necessarias per in'execuziun correcta da las incumbensas.

² En spezial po el prender las suandantas mesiras:

- a. mesiras da sustegn e da svilup;
- b. avertiment, reducziun da la paja, multa e dispensaziun; sco er
- c. midada dal champ d'incumbensas, dal temp da lavur e dal lieu la lavur.

³ Uschenavant che las mesiras concernan il contract da lavur, fixescha il patrun quellas en scrit ensemen cun l'employià. En cas da dischaccord sa drizza la procedura tenor ils artitgels 34 e 36.

Art. 26⁶³**3a. chapitel Elavuraziun da datas⁶⁴****Art. 27⁶⁵** Administraziun dal personal

¹ Sin palpirci ed en in u plirs systems d'infurmaziun elavura il patrun las datas da ses employiads per ademplir las incumbensas tenor questa lescha, en spezial per:

- a. eruir il basegn da personal necessari;
- b. seguirar il dumber da personal necessari tras la recrutaziun da collavuratur;

⁶² Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁶³ Aboli tras la cifra I da la LF dals 14 da dec. 2012, cun effect dapi il 1. da fan. 2013 (AS 2013 1493; BBI 2011 6703).

⁶⁴ Integrà tenor la cifra I 1 da la LF dals 17 da zer. 2011, en vigur dapi il 1. da schan. 2012 (AS 2011 5583; BBI 2010 7059).

⁶⁵ Versiun tenor la cifra II 2 da l'aggiunta da la LF dals 16 da zer. 2017 davart il fond da cumpensaziun, en vigur dapi il 1. da schan. 2018 (AS 2017 7563; BBI 2016 311).

- c. far il rendaint dals salaris, endrizzar actas personalas e far las annunzias a las assicuranzas socialas;
- d. promover sco er mantegnair a lunga vista ils collavuratur;
- e. mantegnair e meglierar la qualificaziun dals collavuratur;
- f. garantir la planisaziun, la regulaziun e la controlla cun agid d'analisis da las datas, da cumparegliaziuns, da rapports e da planisaziuns da mesiras.

² El po elavurar las suandantas datas da ses personal ch'èn necessarias per ademplier las incumbensas tenor l'alineia 1, inclusiv datas personalas spezialmain sensibilas:⁶⁶

- a. indicaziuns davart la persuna;
- b. indicaziuns davart la situaziun da la sanadad areguard la capaciad da lavurar;
- c. indicaziuns davart la prestaziun e davart il potenzial sco er davart il svilup personal e professional;
- d. datas ch'èn necessarias en il rom da la cooperaziun tar l'execuziun dal dretg d'assicuranza sociala;
- e. actas da proceduras e decisziuns d'autoritads en connex cun la lavur.

³ El è responsabel per la protecziun e per la segirezza da las datas.

⁴ El dastga dar vinavant datas a terzas persunas, sch'igl exista ina basa giuridica correspondentia u sche la persuna pertutgada ha dà ses consentiment en scrit en chausa.

⁵ El decretescha disposiziuns executivas davart:

- a. l'architettura, l'organisaziun e la gestiun dal sistem u dals systems d'infurmaziun;
- b. l'elavuraziun da las datas, en spezial l'acquisiziun, la conservaziun, l'archivaziun e la destrucziun;
- c. las autorisaziuns d'elavurar las datas;
- d. las categorias da datas tenor l'alineia 2;
- e. la protecziun e la segirezza da las datas.

⁶ El po prevair che datas betg spezialmain sensibilas pon vegnir communitgadas tras ina procedura d'invista. El decretescha las disposiziuns executivas necessarias.

Art. 27a–27c⁶⁷

⁶⁶ Versiun tenor la cifra II 14 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

⁶⁷ Integrà tras la cifra I 1 da la LF dals 17 da zer. 2011 (AS 2011 5583; BBI 2010 7059). Abolì tras la cifra II 2 da l'aggiunta da la LF dals 16 da zer. 2017 davart il fond da cumpensaziun, cun effect dapi il 1. da schan. 2018 (AS 2017 7563; BBI 2016 311).

Art. 27d⁶⁸ Dossier da la Cussegliaziun sociala dal personal

¹ La Cussegliaziun sociala dal personal da l'administraziun federala (CSPers) elavura sin palpieri ed en in sistem d'infurmaziun las datas da las personas che sa drizzan ad ella (clientella) per:

- a. cussegljar e sustegnair la clientella en ils secturs lavur, fatgs socials, sanadad e finanzas;
- b. decider davart dumondas da prestaziun tenor l'Ordinaziun dals 18 da december 2002⁶⁹ davart il fond da sustegn dal personal da la Confederaziun;
- c. attribuir ils meds finansials per l'integraziun professiunala da personas cun impediments en l'administraziun federala;
- d. manar ils cas (*case management*).

² Per ademplir sias incumbensas po la CSPers elavurar las suandantas datas personalas da la clientella, inclusiv datas personalas spezialmain sensibilas:⁷⁰

- a. la situaziun privata;
- b. la situaziun da la sanadad;
- c. la capacidad da prestaziun;
- d. il motiv ed il grad da l'invaliditad.

³ Ils emploiads da la CSPers ed ils uffizis responsabels per il support tecnic survegnan access al sistem d'infurmaziun, uschenavant che quai è necessari per ademplir lur incumbensas.

⁴ La CSPers po render accessiblas las datas personalas tenor l'alinea 2 a las suandantas personas ed als suandants uffizis, uschenavant che talas e tals dovran questas infurmaziuns per ademplir lur incumbensas:⁷¹

- a. als superiors directs;
- b. als servetschs da personal;
- c. als posts cumpetents da la AI, da la SUVA e da l'assicuranza militara;
- d. al Servetsch medical da l'administraziun generala da la Confederaziun;
- e. a l'Uffizi federal da personal en il rom da l'attribuziun dals meds finansials per l'integraziun professiunala da personas cun impediments;
- f. als commembers dal cussegl dal fond da sustegn dal personal da la Confederaziun.

⁵ La CSPers è responsabla per la protecciun da las datas e per la segirezza dal sistem d'infurmaziun.

⁶⁸ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁶⁹ SR 172.222.023

⁷⁰ Versiun tenor la cifra II 14 da l'aggiunta 1 da la LF dals 25 da sett. 2020 davart la protecciun da datas, en vigur dapi il 1. da sett. 2023 (AS 2022 491; BBl 2017 6941).

⁷¹ Versiun tenor la cifra II 14 da l'aggiunta 1 da la LF dals 25 da sett. 2020 davart la protecciun da datas, en vigur dapi il 1. da sett. 2023 (AS 2022 491; BBl 2017 6941).

⁶ Il Cussegl federal decretescha disposiziuns executivas davart:

- a. l'organisaziun e la gestiun dal sistem d'infurmaziun;
- b. l'elavuraziun da las datas, en spezial l'acquisiziun, la conservaziun, la comunicaziun, l'archivaziun e la destrucziun;
- c. las autorisaziuns d'elavurar las datas;
- d. ils catalogs da datas.

Art. 27^{e72}

Art. 28 Datas da sanadad

¹ Il servetsch medical cumpetent elavura quellas datas persunalas spezialmain sensiblas davart la sanadad ch'èn necessarias per:

- a. giuditgar las qualificaziuns dals candidats cur ch'els vegnan engaschads;
- b. giuditgar las qualificaziuns dals employads durant la relaziun da lavur;
- c. giuditgar las ristgas d'invaliditad e da morbiditad dals candidats cur ch'els vegnan engaschads per funcziuns relevantas per la segirezza.⁷³

^{1bis} El po elavurar questas datas en in sistem d'infurmaziun.⁷⁴

^{1ter} Ils employads dal servetsch medical ed ils uffizis responsabels per il support tecnic survegnan access al sistem d'infurmaziun, uschenavant che quai è necessari per ademplir lur incumbensas.⁷⁵

^{1quater} Il Cussegl federal decretescha disposiziuns executivas davart:

- a. l'organisaziun e la gestiun dal sistem d'infurmaziun;
- b. l'elavuraziun da las datas, en spezial l'acquisiziun, la conservaziun, la comunicaziun, l'archivaziun e la destrucziun;
- c. ils catalogs da datas;
- d. las mesiras tecnicas ed organisatoricas per impedir che terzas personas betg autorisadas possian elavurar datas persunalas.⁷⁶

⁷² Integrà tras la cifra I da la LF dals 14 da dec. 2012 (AS 2013 1493; BBl 2011 6703). Aboli tras la cifra I da l'aggiunta da la LF dals 19 da zer. 2015 (optimaziun dal nov model da contabilitad), cun effect dapi il 1. da schan. 2016 (AS 2015 4009; BBl 2014 9329).

⁷³ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁷⁴ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁷⁵ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

⁷⁶ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

² El dastga infurmar ils posts interessads davart las conclusiuns finalas da constataziuns medicalas mo per quant che quai è necessari per giuditgar l'abiltad da vegnir engaschè ed assicurà e l'abiltad da lavurar da candidats u per prender posiziun en cas da pretaisas or da la relaziun da lavur.

³ Dal rest dastga el dar vinavant datas da sanadad ed actas medicinalas mo cun l'approvaziun en scrit da la persuna pertutgada; sche l'approvaziun vegn refusada, po ins mo dar vinavant datas u actas cun l'autorisaziun dal post inditgà en las disposiziuns executivas.

⁴ L'autorisaziun tenor l'alinea 3 vegn refusada, sche:

- a. la persuna, davart la quala i vegn pretendi infurmaziuns, ha in interess dominant da discreziun;
- b. questa pregiuditgass essenzialmain il patrun en la realisaziun da sias incumbensas;
- c. interess publics pretendan quai.

4. chapitel Mesiras en favur dal personal

Art. 29 Impediment da lavur e mort

¹ Las disposiziuns executivas reglan las prestaziuns dals patruns als emploiads en cas che quels èn impedids da lavurar pervia da malsogna, accident, invaliditad, servetsch militar, servetsch da protecciun civila e servetsch civil sco er en cas da maternitad.

² Ellas reglan las prestaziuns als survivents en cas da mort d'in emploià.

³ Ellas reglan ultra da quai l'imputaziun da las prestaziuns d'assicuranzas socialas obligatoricas en Svizra ed a l'exteriur vi da la paja sco er ulterieras prestaziuns.

Art. 30 Responsabladad per ils dretgs dal personal

¹ Visavi terzas personas ch'èn responsablas per la malsogna, l'accident, l'invaliditad u la mort surpiglia il patrun la responsabladad per ils dretgs da l'emploià e da ses survivents al mument da l'eveniment fin a l'autezza da sias prestaziuns.

² Il patrun ha in dretg da regress sin il consort da l'emploià, sin il partenari registrà, sin ses parents en lingia ascendenta e descendenta u sin personas che vivan cun ella en cuminanza sulettamain, sch'els han provocà l'impediment da lavur cun intenziun u tras greva negligentscha.⁷⁷

⁷⁷ Versiun tenor la cifra 6 da l'aggiunta da la Lescha da partenadi dals 18 da zer. 2004, en vigur dapi il 1. da schan. 2007 (AS 2005 5685; BBI 2003 1288).

Art. 31 Mesiras e prestaziuns socialas

¹ Il Cussegl federal regla las prestaziuns che vegnan pajadas als emploiads per il mantegniment da lur uffants sco cumplettaziun dals supplements da famiglia tenor ils urdens da supplements da famiglia dals chantuns.⁷⁸

² Las disposiziuns executivas pon prevair mesiras che faciliteschan la tgira dals uffants. Ellas pon prevair mesiras che faciliteschan la tgira sco er prestaziuns en favur d'emploiads che tgeran persunas dependentas impedidas d'acquistar in gudogn u che pajan per talas persunas.

³ Las disposiziuns executivas pon prevair mesiras e prestaziuns per mitigiar las consequenzas da direzzas socialas.

⁴ Sch'ins sto visar la piazza a pli gronds effectivs da personal per motivs economics u da manaschi, decretescha il patrun in plan social. Là nua che la relaziun da lavur è reglada tras in contract da lavur collectiv (art. 38), fixeschan las parts contractantas il plan social tenor il contract da lavur collectiv. Sch'ellas na van betg d'accord, fixescha la dretgira da cumpromiss (art. 38 al. 3) il plan social.

⁵ Las disposiziuns executivas pon prevair ulteriuras mesiras e prestaziuns per la segirezza sociala dal personal, surtut il sustegn en cas da reorientaziun professiunala u prestaziuns en cas da pensiunament anticipà.

Art. 32 Ulteriuras mesiras e prestaziuns

Las disposiziuns executivas pon prevair ultra da quai:

- a. mesiras e prestaziuns per gudagnar, mantegnair e distinguer personal;
- b. premias da fidaivladad;
- c. mesiras e prestaziuns per promover invenziuns e per distinguer propostas da meglieraziun;
- d. mesiras e prestaziuns en favur d'in cumportament ecologic, conscient da la sanadad e che promova la segirezza durant la lavur;
- e. il manaschi u il sustegn d'indrizz en favur dal personal;
- f. la procuraziun d'alloschis als lieus da lavur nua che la purchida d'abitaziuns è insufficienta u là nua che circumstanzas da lavur particularas pretendan quai sco er il sustegn tar la cumpra u la locaziun da spazi d'abitar;
- g. reducziuns sin prestaziuns e products da la Confederaziun.

⁷⁸ Versiun tenor la cifra 1 da l'aggiunta da la LF dals 24 da mars 2006 davart ils supplements da famiglia, en vigur dapi il 1. da schan. 2009 (AS 2008 131; BBl 1999 3220, 2000 4784, 2004 6887 6941).

4b. chapitel⁷⁹ Provediment professiunal

Art. 32a⁸⁰ Persunal assicurà

¹ Ils emploiads dals patruns tenor l'artitgel 2 alinea 1 literas a, b ed e–i èn assicurads tar PUBLICA cunter las consequenzas economicas da la vegliadetgna, da l'invaliditad e da la mort.

² Las unitads administrativas da l'administraziun federala decentrala cun atgna personalitad giuridica e cun atgna contabilitad, che han in statut da persunal che divergescha da questa lescha sin fundament d'ina lescha speziala u che han atgnas cumpetenzas da patrun tenor ils artitgels 3 alinea 2 e 37 alinea 3 areguard il dretg da persunal, assicureschan lur emploiads medemamain tar PUBLICA.

Art. 32b Patrums

¹ Il Cussegl federal vala sco patrun en il senn da la Lescha dals 20 da december 2006⁸¹ davart la PUBLICA per ils emploiads tenor l'artitgel 32a; l'aleina 2 resta resalvà.

² Las unitads administrativas da l'administraziun federala decentrala cun atgna personalitad giuridica e cun atgna contabilitad vegnan consideradas sco patrunas da lur persunal.

³ Il Cussegl federal designescha ils represchentants da las lavurantas e dals lavurants en la cumissiun da la cassa da provediment da la Confederaziun (art. 32d al. 2).

Art. 32c Affiliaziun a PUBLICA

¹ L'affiliaziun dals patruns a PUBLICA tenor l'artitgel 4 alinea 1 da la Lescha dals 20 da december 2006⁸² davart la PUBLICA vegn realisada tras in contract d'affiliaziun da dretg public. Il DFF sutscriva il contract per il Cussegl federal.⁸³

² Ils reglaments da provediment èn ina part dal contract d'affiliaziun.

³ La conclusiun e la midada d'in contract d'affiliaziun basegnan la cooperaziun ed il consentiment da l'organ paritetic. Contracts d'affiliaziun d'auters patrums ch'il Cussegl federal basegnan – per esser giuridicamain liants – ultra da quai l'approvaziun da quest ultim.

⁴ Midadas da contracts d'affiliaziun ston vegnir approvadas dal Cussegl federal, sche quellas han consequenzas finanzialas per il patrun, per ils emploiads, per las persunas che retiran rentas u per la cassa da provediment.⁸⁴

⁷⁹ Integrà tras l'aggiunta da la LF dals 20 da dec. 2006 davart la PUBLICA, en vigor dapi il 1. da matg 2007 per l'art. 32e al. 3 e dapi il 1. da fan. 2008 per las ulteriuras disposiziuns (AS 2007 2239, 2008 577; BBI 2005 5829).

⁸⁰ Versiun tenor la cifra I da la LF dals 14 da dec. 2012, en vigor dapi il 1. da fan. 2013 (AS 2013 1493; BBI 2011 6703).

⁸¹ SR 172.222.1

⁸² SR 172.222.1

⁸³ Versiun da l'ultima frasa tenor la cifra I da la LF dals 14 da dec. 2012, en vigor dapi il 1. da fan. 2013 (AS 2013 1493; BBI 2011 6703).

⁸⁴ Integrà tras la cifra I da la LF dals 14 da dec. 2012, en vigor dapi il 1. da fan. 2013 (AS 2013 1493; BBI 2011 6703).

Art. 32d Cassas da provediment

¹ Ils patruns constitueschan ensemen cun lur persunal e cun las personas che retiran rentas mintgamai in'atgna cassa da provediment. Cun il consentiment dal Cussegl federal pon plirs patruns constituir ina cassa da provediment communabla. Il Cussegl federal po prescriber che plirs patruns stoppian fusiunar ad ina cassa da provediment communabla.⁸⁵

² Las unitads administrativas da l'administraziun federala decentrala cun atgna personalitad giuridica e cun atgna contabilitad ch'èn suttamessas a questa lescha senza las divergenzas pervia d'ina lescha speziala e senza las cumpetenzas dal dretg da persunal d'in patrun tenor ils artitgels 3 alinea 2 e 37 alinea 3, constitueschan – cun il Cussegl federal sco patrun – ina cassa da provediment communabla (cassa da provediment da la Confederaziun), sche las prescripziuns da la lescha speziala na prevesan betg insatge auter. Cun il consentiment dal Cussegl federal pon er las unitads administrativas da l'administraziun federala decentrala tenor l'artitgel 32a alinea 2 s'affiliar a la cassa da provediment da la Confederaziun.⁸⁶ Mintga patrun che fa part da la cassa da provediment da la Confederaziun è ina part dal contract communabel d'affiliaziun.⁸⁷

^{2bis} Sch'ina fusiun tenor l'alinea 1 u in'affiliaziun a la cassa da provediment da la Confederaziun para inditgada per motivs d'assicuranza u da provediment, cunzunt pervia da la grondezza, pervia da la structura e pervia da las incumbensas d'in patrun, po il Cussegl federal ordinar la fusiun u acceptar ina dumonda d'affiliaziun.⁸⁸

³ Las cassas da provediment surpiglian lur agens custs. En cas da cassas da provediment communablas maina PUBLICA ina contabilitad separada per patrun.

Art. 32e Organ paritetic

¹ Mintga cassa da provediment cumpiglia in organ paritetic che sa cumpona da represchentants dal patrun e dals emploiads.

² Sche plirs patruns constitueschan ina cassa da provediment communabla, sa drizza la represchantanza en l'organ paritetic dals patruns e dals emploiads tenor la part da mintga singul patrun vi da l'entir chapital da garanzia da la cassa da provediment.

³ Il Cussegl federal regla en in'ordinaziun l'elecziun dals organs paritetics da las singulas cassas da provediment. El po delegar questa cumpetenzza als patruns che na fan betg part da la cassa da provediment da la Confederaziun.

⁸⁵ Integrà la terza frasa tras la cifra II 2 da l'aggiunta da la LF dals 16 da zer. 2017 davart il fond da cumpensaziun, en vigur dapi il 1. da schan. 2018 (AS 2017 7563; BBl 2016 311).

⁸⁶ Integrà la segunda frasa tras la cifra II 2 da l'aggiunta da la LF dals 16 da zer. 2017 davart il fond da cumpensaziun, en vigur dapi il 1. da schan. 2018 (AS 2017 7563; BBl 2016 311).

⁸⁷ Oriundamain: 2. frasa.

⁸⁸ Integrà tras la cifra II 2 da l'aggiunta da la LF dals 16 da zer. 2017 davart il fond da cumpensaziun, en vigur dapi il 1. da schan. 2018 (AS 2017 7563; BBl 2016 311).

Art. 32f Annullaziun da contracts d'affiliaziun, sortida d'unitads administrativas e midada da status

¹ Sch'in patrun ubain ina unitad administrativa sorta da PUBLICA u d'ina cassa da provediment ubain mida il status giuridic, vegnan transferidas las persunas assicuradas activas e las persunas pensiunadas ch'èn suttamessas a quest patrun ubain a questa unitad administrativa en il nov institut da provediment respectivamain en la nova cassa da provediment.

² Sche l'interess da la Confederaziun per l'extrada u per ina midada dal status pretenda quai, pon las persunas pensiunadas restar tar PUBLICA respectivamain tar la cassa da provediment precedenta.

³ Il patrun ch'è cumpetent – suenter l'extrada u suenter la midada dal status – per las persunas assicuradas activas sto er surpigliar la finanziaziun da las obligaziuns dal patrun per las persunas pensiunadas ch'èn restadas tar PUBLICA respectivamain tar la cassa da provediment precedenta. El gulivescha l'eventuala perdita che na vegn betg garantida tras la facultad avant maun e che resulta cun laschar restar las persunas pensiunadas tar PUBLICA.

⁴ La Confederaziun po surpigliar la finanziaziun da questas obligaziuns, sch'il Cussegl federal è stà il patrun precedent e sch'ina lescha na prevesa betg insatge auter.

Art. 32g Finanziaziun dal provediment

¹ Las contribuziuns dals patruns per il provediment per la vegliadetgna, per l'assicuranza da ristga e per la renta transitorica importan en tut almain 11 e maximalmain 13,5 pertschient da la summa dal salari assicurabla. Lur import sa drizza tenor la structura da ristga e da vegliadetgna da las persunas assicuradas tar la cassa da provediment, tenor ils retgavs ch'èn da spetgar a lunga vista, tenor la midada dal tschains tecnic e tenor la situaziun economica dal patrun.

² Ils patruns fixeschan lur contribuziuns suenter avair tadlà l'organ paritetic da las cassas da provediment.

³ Las contribuziuns da las lavurantas e dals lavurants vegnan graduadas tenor la vegliadetgna da las persunas assicuradas.

⁴ En il rom da l'artigel 66 alinea 1 da la Lescha federala dals 25 da zercladur 1982⁸⁹ davart il provediment professional per vegls, survivents ed invaliditad (LPP) e da l'artigel 331 alinea 3 DO⁹⁰ pon ils reglaments da provediment prevair divergenzas da la finanziaziun paritetica da las prestaziuns da ristga e da las prestaziuns da vegliadetgna.⁹¹

⁵ Sco salari assicurabel valan il salari suttamess a la AVS ed ils supplements tenor l'artigel 15. Dal salari assicurabel na fan betg part l'indemnisaziun d'expensas e da remuneraziuns per prestaziuns sco lavur supplementara e sururas, il servetsch da pichet, la lavur da notg u la lavur da squadra.

⁸⁹ SR 831.40

⁹⁰ SR 220

⁹¹ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁶ La determinaziun dal salari coordinà vegn fatga resguardond il grad d'occupaziun da l'emplojà. L'import da coordinaziun po vegnir fixà sco procentuala dal salari suttamess a la AVS.

⁷ Il gudogn assicurà correspunda al salari annual assicurabel, main l'import da coordinaziun.

Art. 32h Incassament da las contribuziuns dals patruns

Il patruns incassan las contribuziuns dals patruns debitadas a PUBLICA tar lur unitads administrativas, e quai sin la summa dals gudogns assicurads, en la furma d'ina contribuziun independenta da la vegliadetgna da l'emplojà. Quai na vala betg per patruns tenor l'artitgel 32a alinea 2.

Art. 32i Provediment per la vegliadetgna

¹ L'obligaziun da pajar contribuziuns al provediment per la vegliadetgna en la prioritad da contribuziuns cumenza il 1. da schaner da l'onn che suonda il 21. onn da vegliadetgna cumpleni e dura fin cur che l'obligaziun da pajar contribuziuns tenor la LAVS⁹² chala.

² Il reglaments da provediment pon fixar che las contribuziuns al provediment per la vegliadetgna èn constitutivas per la renta fin al 70. onn da vegliadetgna cumpleni.

³ Sche la persuna assicurada finescha la relaziun da lavur tranter il 60. ed il 70. onn da vegliadetgna u sch'ella reducescha il grad d'occupaziun, po ella pretender ch'i vegnia pajada la renta da vegliadetgna correspondentu u in renta da vegliadetgna parziala.

⁴ La prestaziun da vegliadetgna tenor reglament dependa da las contribuziuns pajadas e dals retgavs da facultad. Las tariffas da conversiun vegnan fixadas tenor la matematica d'assicuranza. Il reglament da provediment regla la retratga da la prestaziun da vegliadetgna, e quai ubain en la furma d'ina cumpensaziun en chapital, ubain en la furma d'ina renta che cumenza suenter la fin da l'obligaziun da pajar contribuziuns tenor la LAVS.

Art. 32j Provediment per invaliditad e mort

¹ L'obligaziun da pajar contribuziuns per las ristgas da mort e d'invaliditad cumenza il 1. da schaner da l'onn che suonda il 17. onn da vegliadetgna cumpleni.

² Las prestaziuns d'invaliditad vegnan pajadas, cur che la persuna assicurada survegn il dretg da talas tenor l'artitgel 23 LPP⁹³ e cur ch'ella na survegn betg pli in salari da ses patrun, perquai che la relaziun da lavur finescha, respectivamain cur ch'ella na survegn betg pli las prestaziuns d'assicuranza che remplazzan il salari.⁹⁴

⁹² SR 831.10

⁹³ SR 831.40

⁹⁴ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

^{2bis} Sch'i n'è betg avant maun ina invalidad tenor l'alinea 2 e sch'ina controlla medicala tras il servetsch medical cumpetent mussa ch'igl è mo avant maun ina invalidad professiunala, po PUBLICA pajar prestaziuns d'invalidad sin dumonda dal patron, sche las mesiras d'integrasiun n'han gi nagin success. Il patron paja a PUBLICA il chapital da garanzia necessari.⁹⁵

³ Las prestaziuns en cas d'invalidad e da mort sa basan sin il dabun da vegliadetgna che po vegnir acquiri fin a la fin da l'obligaziun da pajar contribuziuns tenor la LAVS⁹⁶. Ils reglaments da provediment pon prevar in tchains da projecziun per euir quest dabun.⁹⁷

Art. 32^k Rentas transitoricas

¹ Las disposiziuns executivas pon prevar ina renta transitorica per ils cas ch'il pensiunament ha lieu avant la vegliadetgna da renta tenor l'artitgel 21 LAVS⁹⁹. La renta transitorica vegn da princip finanziada dals emploiads. En il cas singul pon ils patrons sa participar a la finanziaziun da maximalmain 50 pertschient da la renta transitorica.

² Per tshertas categorias da persunal u per motivs socials po la participaziun dal patron a la finanziaziun da la renta transitorica importar dapli che 50 pertschient.

Art. 32/ Adattaziun da las rentas a la chareschia pervia dals retgavs da facultad da PUBLICA

¹ L'organ paritetic da la cassa da provediment fixescha l'adattaziun da las rentas a la chareschia tenor il retgav da la facultad che stat a disposiziun per quest intent. In'adattaziun da las rentas a la chareschia po avair lieu pir suenter ch'igl è vegni constitui ina reserva da fluctuaziun d'almain 15 pertschient.

² En la cassa da provediment da la Confederaziun vala la decisiun da l'organ paritetic per tut ils patrons. Ella n'ha naginas consequenzas per ils anteriurs emploiads da la Confederaziun che retiran – il mument da l'adattaziun – lur renta d'ina outra instituziun da provediment che PUBLICA u d'ina outra cassa da provediment che tutga tar PUBLICA. La decisiun n'ha medemamain naginas consequenzas per las persunas pensiunadas, las qualas fan part d'in effectiv serrà (art. 23 al. 2 segunda frasa da la Lescha dals 20 da december 2006¹⁰⁰ davart la PUBLICA), uschè ditg che questas persunas n'èn betg vegnidas transferidas – tenor l'artitgel 24 alinea 4 da la Lescha dals 20 da december 2006 davart PUBLICA – en la cassa da provediment da la Confederaziun.

⁹⁵ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁹⁶ SR 831.10

⁹⁷ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

⁹⁸ Versiun tenor la cifra I 2 da la LF dals 17 da mars 2017 davart il program da stabilisaziun 2017–2019, en vigur dapi il 1. da schan. 2018 (AS 2017 5205; BBI 2016 4691).

⁹⁹ SR 831.10

¹⁰⁰ SR 172.222.1

Art. 32^{m101} Adattaziun extraordinaria da las rentas a la chareschia e supplements unics tras ils patruns

¹ Sch'ils retgavs da facultad da la cassa da providiment na permettann betg in'adattaziun da las rentas a la chareschia u permettann mo in'adattaziun insufficienta, pon ils patruns concluder in'adattaziun extraordinaria adequata da las rentas da lur anteriurs employads a la chareschia u il pajament d'in supplement unic. Per ils patruns che fan part da la cassa da providiment da la Confederaziun decida il Cussegl federal.

² Il conclus dals patruns tenor l'alinea 1 n'ha naginas consequenzas per:

- a. ils anteriurs employads che retiran – il mument ch'ina mesira tenor l'alinea 1 entra en vigur – lur renta d'ina outra instituziun da providiment che PUBLICA u d'ina outra cassa da providiment che tutga tar PUBLICA ubain ch'èn assignads – entaifer ina cassa da providiment cuminaivla tenor l'artitgel 32d alineas 1 e 2 – ad in auter patrun affilià a PUBLICA; e
- b. las persunas che retiran ina renta e che fan part d'in effectiv serrà (art. 23 al. 2 segunda frasa da la Lescha federala dals 20 da december 2006¹⁰² davart la PUBLICA).

³ Ils patruns indemniseschan a PUBLICA il chapital da garanzia ch'è necessari per finanziair las mesiras tenor l'alinea 1.

5. chapitel Cooperaziun e partenadi social

Art. 33

¹ Ils patruns infurmeschan il personal e sias organisaziuns a temp e cumplainamain davart tut las fatschentas da personal impurtantas.

² Els consulteschan il personal e sias organisaziuns surtut:

- a. avant midadas intenziunadas da questa lescha;
- b. avant la decretaziun da disposiziuns executivas tar questa lescha;
- c. avant la creaziun u la midada da sistems per elavurar datas che pertutgan il personal;
- d. avant il transferiment da parts da l'administraziun u d'in manaschi u d'ina part d'in tal sin ina terza persuna;
- e. en connex cun dumondas da la segirezza da lavur e dal providiment da sanadad tenor l'artitgel 6 alinea 3 da la Lescha da lavur dals 13 da mars 1964¹⁰³.

³ Els tractan cun las organisaziuns dal personal.

¹⁰¹ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

¹⁰² SR 172.222.1

¹⁰³ SR 822.11

⁴ Las disposiziuns executivas reglan la cooperaziun dal personal e da sias organisaziuns. Ellas pon prevair organs da consultaziun, da mediaziun e da decisiun che pon sa cumponer en moda paritetica.

6. chapitel Procedura

Art. 34 Disputas or da la relaziun da lavur

¹ Sch'i na dat nagin accord en cas da disputas or da la relaziun da lavur, decretescha il patron ina disposiziun.

^{1bis} Decisiuns da transferiment u autras ordinaziuns da servetsch al personal ch'è suttames ad in'obligaziun da transferiment tenor l'artitgel 21 alinea 1 literas a e c^{bis} n'èn betg contestablas.¹⁰⁴

² La procedura d'emprima istanza sco er la procedura da recurs tenor l'artitgel 36 èn gratuitas, cun excepziun da cas da levsenn.¹⁰⁵

³ Persunas che han candidà per in post e ch'èn vegnidas refusadas n'han betg il dretg ch'i vegnia decretada ina disposiziun contestabla.¹⁰⁶

Art. 34a¹⁰⁷ Effect suspensiv

Il recurs han mo in effect suspensiv, sche l'istanza da recurs ordinescha in tal d'uffizi u sin dumonda d'ina partida.

Art. 34b¹⁰⁸ Decisiun da recurs en cas da disditgas

¹ Sche l'istanza da recurs approvescha il recurs cunter ina disposiziun davart la disditga da la relaziun da lavur tras il patron e sch'ella na returna excepziunalmain betg il cas a l'istanza precedentata, sto ella:

- a. conceder ina indemnizaziun al recurrent, sch'i mancan motifs objectivs suffizients per la disditga ordinaria u motifs relevants per la disditga immediata u sche prescripziuns da procedura èn vegnidas violadas;

¹⁰⁴ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹⁰⁵ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹⁰⁶ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹⁰⁷ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹⁰⁸ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

- b. ordinar ch'il salari vegnia pajà vinavant fin a la scadenza dal termin da disditga ordinari u dal contract da lavur da durada limitada, sch'i mancan motivs relevants per ina disditga immediata;
- c. prolungar la relaziun da lavur fin a la scadenza dal termin da disditga ordinari, sche prescripziuns davart ils termins da disditga èn vegnids violadas.

² L'indemnisaziun tenor l'alineia 1 litera a vegn fixada da l'istanza da recurs considerond tut las circumstanzas. Ella importa per regla almain sis pajas mensilas e maximalmain ina paja annuala.

Art 34^{c109} Occupar vinavant l'emploià

¹ Il patron porscha a l'emploià la lavur ch'el aveva u – sche quai n'è betg pussaivel – in'otra lavur pretendibla, sche l'istanza da recurs ha approvà il recurs cunter ina disposiziun davart la disditga da la relaziun da lavur per in dals suandants motivs:

- a. la disditga era vegnida pronunziada, perquai che l'emploià aveva fatg en buna fai ina denunzia tenor l'artitgel 22a alinea 1 u ina annunzia tenor l'artitgel 22a alinea 4 u perquai ch'el aveva dà perditga;
- b. la disditga è abusiva tenor l'artitgel 336 DO¹¹⁰;
- c. la disditga era vegnida pronunziada durant ina perioda numnada en l'artitgel 336c alinea 1 DO;
- d. la disditga è discriminanta tenor l'artitgel 3 u 4 da la Lescha d'egualitad dals 24 da mars 1995¹¹¹.

² Sch'il recurs vegn approvà e sche l'emploià dumonda quai, al conceda l'istanza da recurs ina indemnisaziun che importa per regla almain sis pajas mensilas e maximalmain ina paja annuala, empè d'ordinar la cuntinuaziun da l'engaschament tenor l'alineia 1.

Art. 35¹¹²

Art. 36¹¹³ Instanzas da recurs giudizialas

¹ Cunter las disposiziuns dal patron poi vegnir fatg recurs tar il Tribunal administrativ federal.¹¹⁴

¹⁰⁹ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

¹¹⁰ SR 220

¹¹¹ SR 151.1

¹¹² Aboli tras la cifra I da la LF dals 14 da dec. 2012, cun effect dapi il 1. da fan. 2013 (AS 2013 1493; BBl 2011 6703).

¹¹³ Versiun tenor la cifra 12 da l'aggiunta da la LF dals 17 da zer. 2005 davart il TAF, en vigur dapi il 1. da schan. 2007 (AS 2006 2197; BBl 2001 4202).

¹¹⁴ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

² Recurs cunter disposiziuns che pertutgan ina relaziun da lavur tar il Tribunal federal giuditgescha ina cumissiun da recurs che consista da las presidentas u dals presidents da las dretgiras administrativas dals chantuns Vad, Lucerna e Tessin. En cas d'impediment vegnan applitgadas las reglas che valan per la dretgira administrativa, a la quala lavura la commembra u il commember pertutgà. La procedura sa drizza tenor la Lescha dals 17 da zercladur 2005¹¹⁵ davart il Tribunal administrativ federal. La cumissiun vegn presidiada da quella commembra u da quel commember, da la quala u dal qual la lingua da lavur è la lingua dal process.

³ Recurs cunter disposiziuns che pertutgan ina relaziun da lavur tar il Tribunal penal federal giuditgescha il Tribunal administrativ federal.

⁴ Recurs cunter disposiziuns che pertutgan ina relaziun da lavur tar il Tribunal administrativ federal giuditgescha il Tribunal penal federal.

Art. 36a¹¹⁶ Disputas davart las parts dal salari che dependan da la prestaziun

En disputas davart las parts dal salari che dependan da la prestaziun vegn admiss in recurs tar ina instanza giudiziala (art. 36) mo, sch'el pertutga l'egualitad da las schlattainas.

7. chapitel Disposiziuns executivas

Art. 37 Disposiziuns executivas

¹ Il Cussegl federal decretescha las disposiziuns executivas. El prenda resguard che quellas na restrenchan betg ils patruns en lur autonomia necessaria per ademplir lur pensums.

² Las disposiziuns executivas tenor l'aleina 1 valan er per il persunal dals Servetschs dal parlament e dal Tribunal federal, per quant che l'Assamblea federala u il Tribunal federal na decreteschan betg disposiziuns cumplettantas u divergentas per lur persunal.

³ Ils auters patruns decreteschan las disposiziuns executivas, nun che questa lescha attribueschia questa cumpetenza unicamain al Cussegl federal.¹¹⁷

^{3bis} Las unitads administrativas, a las qualas il Cussegl federal ha concedì cumpetenzas da patrun tenor l'artitgel 3 aleina 2, decreteschan las disposiziuns executivas cun resalva da l'approvaziun tras il Cussegl federal.¹¹⁸

⁴ Uschenavant ch'il DO¹¹⁹ vala confirm al senn tenor l'artitgel 6 aleina 2, pon ils patruns divergiar en lur disposiziuns executivas:

¹¹⁵ SR 173.32

¹¹⁶ Integrà tenor la cifra 12 da l'aggiunta da la LF dals 17 da zer. 2005 davart il TAF, en vigur dapi il 1. da schan. 2007 (AS 2006 2197; BBI 2001 4202).

¹¹⁷ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹¹⁸ Integrà tras la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBI 2011 6703).

¹¹⁹ SR 220

- a. da las disposiziuns betg obligatoricas dal DO;
- b. da las disposiziuns obligatoricas dal DO mo a favur dal personal.¹²⁰

Art. 38 Contract da lavur collectiv

¹ Las Viafiers federalas svizras sco er ils ulteriurs patrons autorisads dal Cussegl federal concludan per lur sector contracts da lavur collectivs (CLC) cun lur federaziuns da personal.¹²¹

² Il CLC vala da princip per tut il personal dal patron respectiv.

³ Il CLC prevesa ina dretgira da cumpromiss. Questa decida en cas che las parts contractantas na van betg d'accord davart la dimensiun d'ina cumpensaziun da chareschia e davart la reglamentaziun tenor il contract da lavur collectiv dal plan social. Las parts contractantas pon transferir a la dretgira da cumpromiss las cumpetenzas da decider en ulteriurs cas da discordia.

⁴ Las parts contractantas pon prevair tranter auter en il CLC:

- a. organs che decidan en il lieu dals organs ordinaris dal stadi davart dispitas tranter las parts dal CLC; sch'il CLC na prevesa betg da surdar ad in organ contractual da reglar las dispitas, decida il Tribunal administrativ federal definitivamain davart dispitas tranter las partidas dal CLC;¹²²
- b. l'incassament da contribuziuns per l'execuziun dal CLC.

⁵ Sch'i na dat nagin CLC tranter ils partenaris socials, convocheschan els ina cumisiun da mediaziun concernent las dumondas dispitaivlas. Questa suttamenta propostas da soluziuns.

8. chapitel Disposiziuns finalas

Art. 39 Abrogaziun dal dretg vertent

¹ La Lescha dals 30 da zercladur 1927¹²³ davart ils funcziunaris vegn abrogada.

² L'artitgel 48 alineas 1 fin 5^{ter} da la Lescha dals 30 da zercladur 1927 davart ils funcziunaris resta vinavant en vigur.

³ Il Cussegl federal po prevair che ulteriuras disposiziuns da la Lescha dals 30 da zercladur 1927 da funcziunaris restan anc en vigur per in temp limità.

¹²⁰ Versiun tenor la cifra I da la LF dals 14 da dec. 2012, en vigur dapi il 1. da fan. 2013 (AS 2013 1493; BBl 2011 6703).

¹²¹ Versiun tenor la cifra II 1 da l'aggiunta da la LF dals 17 da dec. 2010 davart l'organisaziun da la Posta, en vigur dapi il 1. d'oct. 2012 (AS 2012 5043; BBl 2009 5265).

¹²² Versiun da la segunda part da la frasa tenor la cifra 12 da l'aggiunta da la LF dals 17 da zer. 2005 davart il TAF, en vigur dapi il 1. da schan. 2007 (AS 2006 2197; BBl 2001 4202).

¹²³ [BS 1 489; AS 1958 1413 art. 27 lit. c; 1997 2465 aggiunta cifra 4; 2000 411 cifra II, 1853; 2001 2197 art. 2, 3292 art. 2. AS 2008 3437 cifra I I]

Art. 40 Midadas dal dretg vertent...¹²⁴**Art. 41** Disposiziuns transitoricas

¹ Fin a l'entrada en vigur da las disposiziuns executivas necessarias per l'execuziun da questa lescha tenor l'artitgel 37 u dal CLC tenor l'artitgel 38 sa drizza la relaziun da lavur:

- a. tar ils departaments, tar la Chanzlia federala, tar las cumissiuns federalas da cumpromiss e da recurs, tar il Tribunal federal sco er tar ils Servetschs dal parlament tenor l'Ordinaziun dals 10 da november 1959¹²⁵ davart ils emploiads;
- b. tar las Viafiers federalas svizras tenor l'Urden d'emploiads da las VFF dals 2 da fanadur 1993¹²⁶;
- c. tar la Posta svizra tenor l'Urden dals emploiads da la Posta¹²⁷.

² Il Cussegl federal po declerar per applitgabels per in temp limità ulteriurs decretis executivs che sa basan sin la Lescha dals 30 da zercladur 1927¹²⁸ davart ils funcziunaris.

³ Sch'ins ha decretà ina disposiziun en connex cun ina disputa davart pretensiuns or da la relaziun da lavur avant l'entrada en vigur da questa lescha, sa drizza la procedura da recurs tenor il dretg vegl.

⁴ Relaziuns da lavur ch'existan gia avant l'entrada en vigur da questa lescha tenor la Lescha dals 30 da zercladur 1927 davart ils funcziunaris, valan automaticamain tenor il dretg nov, sch'ellas n'èn betg vegnids schliads tras disditga ordinaria u nunelecziun tenor il dretg vegl.

¹²⁴ Las midadas pon vegnir consultadas en il AS 2001 894.

¹²⁵ [AS 1959 1181; 1962 289, 1237; 1968 130, 1674; 1971 101; 1972 192; 1973 157; 1976 2713; 1977 1421; 1979 1290; 1982 49, 945, 1111; 1984 406, 743; 1986 197, 2097; 1987 974; 1988 31; 1989 30, 1223, 1498; 1990 105; 1991 1087, 1090, 1148, 1397, 1642; 1992 6; 1993 820 agiunta cifra 2, 1565 art. 13 al. 3, 2819, 2936; 1994 6, 279, 366; 1995 9, 3867 agiunta cifra 10, 5099; 1997 237, 305, 804; 1998 732; 2000 457 agiunta, 2958.

AS 2001 2197 agiunta cifra I 4]

¹²⁶ [AS 1993 2915. AS 2003 4209]

¹²⁷ [AS 1996 2127. AS 2007 4477 cifra III 6–22]

¹²⁸ [BS 1 489; AS 1958 1413 art. 27 lit. c; 1997 2465 agiunta cifra 4; 2000 411 cifra II 1853, 2001 2197 art. 2, 3292 art. 2. AS 2008 3437 cifra I I]

Art. 41a¹²⁹ Disposiziuns transitoricas da la midada dals 20 da december 2006

¹ Las preparativas per midar a la prioritad da contribuziuns sa drizzan tenor l'artitgel 26 da la Lescha dals 20 da december 2006¹³⁰ davart la PUBLICA. L'organ paritetico propona a temp al DFF, per mauns dal Cussegl federal, da laschar entrar en vigur las mesiras necessarias per ch'il contract d'affiliaziun inclusiv ils reglaments da provediment valian il mument da l'entrada en vigur da questa lescha.

² Uschè ditg che la vegliadetgna da la AVS è pli bassa per las dunnas che per ils umens, prevesan ils reglaments da provediment:

- a. d'applitgar la medema tariffa da conversiun per las dunnas che van en pensiun tranter il 64. ed il 65. onn da vegliadetgna sco per las persunas che van en pensiun a la vegliadetgna da 65 onns;
- b. da calcular il dabun da vegliadetgna per ils umens e per las dunnas fin al 65. onn da vegliadetgna cumplenì per eruir las prestaziuns en cas d'invaliditad e da mort.

³ ...¹³¹

Art. 42 Vigur

¹ Questa lescha è suttamessa al referendum facultativ.

² Il Cussegl federal fixescha l'entrada en vigur; el po metter en vigur la lescha en moda graduada temporalmain e tenor categorias da personal.

Entrada en vigur:

per las Viafiers federalas: 1. da schaner 2001¹³²

per l'administraziun federala, las unitads decentralisadas da l'administraziun, il Tribunal federal, ils Servetschs dal parlament¹³³ e la Posta svizra¹³⁴: 1. da schaner 2002

¹²⁹ Integrà tras l'aggiunta da la LF dals 20 da dec. 2006 davart la PUBLICA, en vigur dapi il 1. da matg 2007 per l'al. 1 e dapi il 1. da fan. 2008 per las ulteriuras disposiziuns (AS 2007 2239; 2008 577; BBI 2005 5829).

¹³⁰ SR 172.222.1

¹³¹ Aboli tras la cifra I 2 da la LF dals 17 da mars 2017 davart il program da stabilisaziun 2017–2019, cun effect dapi il 1. da schan. 2018 (AS 2017 5205; BBI 2016 4691).

¹³² Art. 1 al. 1 da l'O dals 20 da dec. 2000 (AS 2001 917).

¹³³ Art. 1 al. 1 da l'O dals 3 da fan. 2001 (AS 2001 2197).

¹³⁴ Art. 1 al. 1 da l'O dals 21 da nov. 2001 (AS 2001 3292).